

ვანის მუნიციპალიტეტის საკრებულოს საფინანსო-საბიუჯეტო  
კომისიის სხდომის

ოქმი N 2

ქ.ვანი თავისუფლების N65

14 იანვარი 2020 წელი

13:00 საათი

**სხდომას ესწრებოდნენ კომისიის წევრები:** ტარიელ ბარამიძე, გელა ჩიკვაძე, მალხაზ ცერცვაძე, ივანე კორძაძე, მერაბ ხურციძე, გია ხარაბაძე, გელა ვარდოსანიძე,

**საპატიო მიზეზის გამო სხდომას არ ესწრებოდნენ:** შოთა გიორგაძე, თამთა დვალიშვილი, დავით კაკაბაძე, თორნიკე ერისთავი, გია ოჩხიკიძე, კობა მაგნიძე.

*სხდომაზე დამსწრე კომისიის წევრთა ხელმოწერების სია თან ერთვის.*

*/დანართი N1/*

**მოწვეული პირი:** ვანის მუნიციპალიტეტის საფინანსო - საბიუჯეტო სამსახურის უფროსი - **ივანე მამფორია**

**კომისიის სხდომის თავმჯდომარე** - ტარიელ ბარამიძე (კომისიის თავმჯდომარე)

კომისიის სხდომის მდივანი - საკრებულოს აპარატის იურიდიულ და საორგანიზაციო საკითხთა განყოფილების უფროსი სპეციალისტი საოქმო წარმოების საკითხებში - **ლუბა კიკაბიძე**.

## დღის წესრიგი

1. ვანის მუნიციპალიტეტის საკრებულოს 2019 წლის 25 დეკემბრის N27 დადგენილებაში ცვლილების შეტანის თაობაზე.

მომხს: ივანე მამფორია

**დაადგინეს:** დღის წესრიგი მიღებულ იქნა წარმოდგენილი სახით.

### **მოისმინეს :**

დღის წესრიგით წარმოდგენილ პირველ საკითხთან დაკავშირებით მომხსენებელმა კომისიის წევრებს გააცნო ვანის მუნიციპალიტეტის საკრებულოს 2019 წლის 25 დეკემბრის N27 დადგენილებაში ცვლილების შეტანის თაობაზე.

მომხსენებელმა აღნიშნა, რომ ბიუჯეტში ცვლილების საჭიროება განპირობებულია საქართველოს მთავრობის N2751- 31.12.2019, N2752-31.12.2019, N27 9.01.2020 განკარგულებებით გამოყოფილი თანხებისა და სახაზინო ანგარიშზე 01.01.2020 მდგომარეობით არსებული ნაშთების ბიუჯეტში ასახვით.

საქართველოს მთავრობის 2019 წლის 19 დეკემბრის N2630 განკარგულებაში „რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის თაობაზე“ 2019 წლის 31 დეკემბერს N2751 განკარგულებით განხორციელდა, რის შედეგადაც გამოყოფილი თანხა გაიზარდა

597,5 ათასი ლარით და ჩამოყალიბდა 3509,4 ათასი ლარის რედაქციით. თანხა გამოიყო ზედავანი-ტყეღვანის გზის რეაბილიტაციის მიზნით.

2019 წლის 31 დეკემბრის N2752 განკარგულებით, სოფლის მხარდაჭერის პროგრამის ფარგლებში, მუნიციპალიტეტს გამოეყო 570,0 ათასი ლარი. 2020 წლის 9 იანვრის N27 განკარგულებით, საჯარო სკოლების ინფრასტრუქტურის გაუმჯობესების მიზნით, მუნიციპალიტეტს გამოეყო 460,0 ათასი ლარი.

2020 წლის 01 იანვრის მდგომარეობით, მუნიციპალიტეტის სახაზინო ანგარიშებზე ნაშთის სახით ირიცხება 1324,2 ათასი ლარი, მ.შ:

ა) „ჯანმრთელობისათვის უსაფრთხო გარემოს უზრუნველყოფის ხელშეწყობის მიზნით საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ საქართველოს მთავრობის 2019 წლის 15 მარტის N 554 განკარგულებით გამოყოფილი თანხა - 22,5 ათასი ლარი, მათ შორის : საგარანტიო უზრუნველყოფა - 4,2 ათასი ლარი; შესასრულებელი სამუშაოს ღირებულება - 15,1 ათასი ლარი, თავისუფალი ნაშთი - 3,2 ათასი ლარი.

ბ) საქართველოს მთავრობის 2019 წლის 15 მარტის N 557 განკარგულებით „სტიქიის პრევენციის სახელმწიფო პროგრამის დაფინანსების მიზნით საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ გამოყოფილი თანხიდან შესასრულებელი სამუშაოს თანხა - 92,0 ათასი ლარი.

გ) საქართველოს მთავრობის 2018 წლის 31 დეკემბრის N 2577 განკარგულებით „საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ გამოყოფილი თანხიდან საგარანტიო უზრუნველყოფის თანხა - 41,9 ათასი ლარი.

დ) საქართველოს მთავრობის 2019 წლის 18 იანვრის N 13 განკარგულებით საჯარო სკოლების მცირე სარეაბილიტაციო სამუშაოების დელეგირებული უფლებამოსილების განხორციელების მიზნით, გამოყოფილი თანხა -281,7 ათასი ლარი. მათ შორის: საგარანტიო უზრუნველყოფის თანხა - 2,9 ათასი ლარი; შესასრულებელი სამუშაოს ღირებულება - 270,7 ათასი ლარი, ხოლო თავისუფალი ნაშთი - 8,1 ათასი ლარი.

ე) საქართველოს მთავრობის 2019 წლის 18 იანვრის N 13 განკარგულებით მოსწავლეთა ტრანსპორტით უზრუნველყოფის დელეგირებული უფლებამოსილების განხორციელების მიზნით, გამოყოფილი თანხიდან გასაწევი მომსახურების ღირებულება - 28,7 ათასი ლარი.

ვ) „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში მუნიციპალიტეტებისათვის თანხის გამოყოფის შესახებ“ საქართველოს მთავრობის 2019 წლის 22 იანვრის N 45 განკარგულებით გამოყოფილი თანხიდან შესასრულებელი სამუშაოს და გასაწევი მომსახურების ღირებულება 19,4 ათასი ლარი.

ზ) „საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ საქართველოს მთავრობის 2018 წლის 18 იანვრის N 136 განკარგულებით გამოყოფილი თანხიდან 256,0 ათასი ლარი, მ.შ: საგარანტიო უზრუნველყოფის თანხა - 131,7 ათასი ლარი, თავისუფალი ნაშთი - 124,3 ათასი ლარი.

თ) საქართველოს მთავრობის 2018 წლის 13 დეკემბრის N 2367 განკარგულებით სტიქიის შედეგების სალიკვიდაციო ღონისძიებების განხორციელების მიზნით გამოყოფილი თანხიდან თავისუფალი ნაშთი - 0,3 ათასი ლარი.

ი) „ სტიქიის შედეგად დაზიანებული ინფრასტრუქტურული ობიექტების სარეაბილიტაციო სამუშაოების განხორციელების შესახებ“ საქართველოს მთავრობის 2017 წლის 27 დეკემბრის N 2712 განკარგულებით გამოყოფილი თანხა - 63,8 ათასი ლარი, მათ შორის: საგარანტიო უზრუნველყოფის თანხა - 40,5 ათასი ლარი; შესასრულებელი სამუშაოს ღირებულება - 6,7 ათასი ლარი, თავისუფალი ნაშთი - 16,6 ათასი ლარი.

კ) საქართველოს მთავრობის 2016 წლის 18 ივლისის 1409 განკარგულებით სტიქიის შედეგების სალიკვიდაციო ღონისძიებების განხორციელების თაობაზე გამოყოფილი თანხიდან - 11,0 ათასი ლარი, მათ შორის: საგარანტიო უზრუნველყოფის თანხა 1,3 ათასი ლარი, თავისუფალი ნაშთი 9,7 ათასი ლარი. ჯამურად, სახელმწიფო ბიუჯეტის ფონდებიდან გამოყოფილი თანხების ნაშთი შეადგენს 817,2 ათას ლარს, საგარანტიო უზრუნველყოფა 222,6 ათას ლარს, მოქმედი ხელშეკრულებების ფარგლებში შესასრულებელი სამუშაო / გასაწევი მომსახურება 432,5 ათას ლარს, თავისუფალი ნაშთი 162,1 ათას ლარს.

თავისუფალი ნაშთებიდან 127,5 ათას ლარს მიიმართება ვანის ცენტრალური სტადიონის გარე პერიმეტრის რეაბილიტაციის მიზნით (საქართველოს მთავრობის შესაბამისი განკარგულების გამოცემის შემდგომ), სტიქიის შედეგების სალიკვიდაციოდ 26,6 ათასი ლარი, ხოლო საჯარო სკოლების რეაბილიტაციის პროგრამის ფარგლებში დარჩენილი ეკონომია გამოყენებული იქნება სკოლების რეაბილიტაციის სხვა პროექტების დასრულების შემდგომ გამოვლენილ ეკონომიასთან ერთად.

მუნიციპალიტეტის სახაზინო ანგარიშზე საკუთარი სახსრებით ნაშთის სახით ირიცხება 506,9 ათასი ლარი, მათ შორის : საგარანტიო უზრუნველყოფის თანხა - 16,6 ათასი ლარი; შესასრულებელი სამუშაოს და გასაწევი მომსახურების ღირებულება - 111,1 ათასი ლარი, ხოლო თავისუფალი ნაშთი - 379,2 ათასი ლარი. თავისუფალი ნაშთი მიიმართება შემდეგ ღონისძიებებზე: ა) ქ. ვანში თავისუფლების ქუჩა N62,64,66-ში მდებარე მრავალბინიანი საცხოვრებელი სახლების გარე კანალიზაციის რეაბილიტაცია 7,7 ათასი ლარი; ბ) ქ. ვანში თავისუფლების ქუჩა N63 და N65-ში მდებარე შენობების წინ სკვერების რეაბილიტაცია 120,0 ლარი; გ) სააკაძის ქუჩაზე ყოფილი აბანოს შენობის ტერიტორიიდან სამშენებლო ნარჩენების გატანა 8,0 ათასი ლარი; დ) მუნიციპალიტეტის ადმინისტრაციულ შენობაში მხარეთმცოდნეობის მუზეუმის მოწყობა 45,0 ათასი ლარი; ე) ქ. ვანში ჭავჭავაძის ქუჩის რეაბილიტაცია 30,0 ათასი ლარი. ვ) ძულუხის ადმინისტრაციულ ერთეულში გოგობერიძეების უბანში ს/გზის რეაბილიტაცია 27,0 ათასი ლარი; ზ) 2020 წლისათვის სოფლის მხარდაჭერის პროგრამით გათვალისწინებული სამუშაოების თანადაფინანსებისათვის 100,0 ათასი ლარი; თ) საავტომობილო გზების საპროექტო-სახარჯთაღრიცხვო დოკუმენტაციების მომზადება 13,5 ათასი ლარი; ი) საგზაო უსაფრთხოების უზრუნველყოფის მიზნით ვიდეო სამეთვალყურეოკამერების შექმნა 10,0 ათასი ლარი; კ) საგზაო მოძრაობის უსაფრთხოების მიზნით საგზაო ნიშნების შექმნა-მონტაჟი 8,0 ათასი ლარი; ლ) კულტურის ღონისძიებების ორგანიზებისა და მართვის ცენტრი 6,0 ათასი ლარი; მ) სახელოვნებო, განათლებისა და ტურიზმის განვითარების ცენტრი 4,0 ათასი ლარი. ზემოაღნიშნული ცვლილებებიდან გამომდინარე, მუნიციპალიტეტის შემოსულობები, გადასახდელები და ნაშთის ცვლილება ჩამოყალიბდება შემდეგი რედაქციით:

კომისიის წევრებმა განიხილეს წარმოდგენილი საკითხი, რომლის მიმართ შენიშვნები არ დაფიქსირებულა.

მომხრე - 7  
წინააღმდეგი - არცერთი

წარმოდგენილი საკითხი მზად არის საკრებულოს სხდომაზე გასატანად.

დღის წესრიგით გათვალისწინებული საკითხის ამოწურვის შემდეგ სხდომის თავმჯდომარემ სხდომა დახურულად გამოაცხადა.

ტარიელ ბარამიძე

ვანის მუნიციპალიტეტის საკრებულოს  
საფინანსო-საბიუჯეტო კომისიის თავმჯდომარე